

**BOSNA I HERCEGOVINA**  
FEDERACIJA BOSNE I HERCEGOVINE



**BOSNIA AND HERZEGOVINA**  
FEDERATION OF BOSNIA AND HERZEGOVINA

**TUZLANSKI KANTON**  
MINISTARSTVO ZDRAVSTVA

**TUZLA CANTON**  
MINISTRY OF HEALTH

Broj: 13/1-33-6896-22  
Tuzla, 08.04.2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

**FEDERACIJA BiH**  
**PREDSTAVNIČKI DOM PARLAMENTA**  
n/r Sekretara

Primljeno: 13-04-2022			
Org. jed.	Broj	Priloga	Vrijednost
05/A	- 02 -	84	122

**PREDMET:** Odgovor na zastupničko pitanje, dostavlja se  
**Veza:** Vaš akt broj: 05/1-02-84/22 od 09.03.2022. godine

Poštovani,

U vezi sa Vašim aktom broj: 05/1-02-84/22 od 09.03.2022. godine, dostavljamo Vam odgovor Zavoda zdravstvenog osiguranja TK kao nadležne institucije

S poštovanjem,

Prilog: Predmetni dopis

Dostavljeno:  
1x Naslovu  
1x a/a



Ulica Rudarska 72.; 75000 Tuzla

tel. 035/369-419, fax: 369-420

www.vladatk.kim.ba

NK-854.

24.04.22.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
ZAVOD ZDRAVSTVENOG OSIGURANJA  
TUZLANSKOG KANTONA  
TUZLA



BOSNIA AND HERZEGOVINA  
FEDERATION OF BOSNIA AND HERZEGOVINA  
TUZLA CANTON  
INSTITUTE FOR HEALTH INSURANCE  
OF TUZLA CANTON  
TUZLA

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 01-45-8-342-1/22-SM/DE  
Tuzla, 29.03.2022. godine

MINISTARSTVO ZDRAVSTVA TK  
RUDARSKA 72  
75000 TUZLA  
n/r Ministarice

**PREDMET: Odgovor na zastupnička pitanja, dostavlja se**

Veza Vaš akt broj: 13/133-6896-22 od 22.03.2022. godine

Poštovani!

Aktom broj: 13/1-33-6896-22 od 22.03.2022. godine dostavili ste Zavodu zdravstvenog osiguranja Tuzlanskog kantona (u daljem tekstu: Zavod) zastupničko pitanje zastupnice Marine Mujkanović u Zastupničkom domu Parlamenta FBiH, kao i inicijativu zastupnice Jasmine Zubić na mišljenje. U skladu sa navedenim dajemo Vam sljedeće odgovore:

**Zastupničko pitanje:**

Zašto se u pojedinim kantonima u ovom slučaju konkretno SBK ne poštuje Zakon o zdravstvenom osiguranju FBiH, te se osiguranicima iz člana 21. tačke 1. navedenog zakona uskraćuje pravo na zdravstveno osiguranje?

**Odgovor:**

Uvidom u obrazloženje navedenog zastupničkog pitanja utvrđeno je da se neprovedba zakona odnosi na **službe za zapošljavanje**, koji su obveznici prijave na zdravstveno osiguranje navedene kategorije osiguranih lica. Naime, članom 21. Zakona o zdravstvenom osiguranja („Službene novine FBiH“ broj: 30/97, 7/02, 70/08, 48/11, 36/18) je propisano da je supružnik zdravstveno osiguran kao: supružnik umrlog osiguranika, koji nakon smrti supružnika nije stekao pravo na porodičnu penziju jer nije navršio određene godine života, ako je u vrijeme smrti supružnika bio stariji od 40 godina (žena) odnosno 55 godina (muškarac). Supružnik mlađi od 40, odnosno 55 godina, ukoliko propisima o penzijsko-invalidskom osiguranju nije drugačije regulirano, produžava korištenje prava iz obaveznog zdravstvenog osiguranja dok je prijavljen zavodu za zapošljavanje, ako se istom prijavi u roku od 90 dana nakon smrti supružnika.

S obzirom da se ovdje radi o određenom slučaju i nepostupanju određene službe za zapošljavanje, Zavod se ne može očitovati o istom, naročito što prijava na zdravstveno osiguranje, po osnovu ove odredbe Zakona nije u nadležnosti kantonalnih zavoda, već službi za zapošljavanje.

### Zastupnička inicijativa:

Na osnovu člana 11. Poslovnika zastupničkog doma Parlamenta Federacije upućujem Inicijativu Ministarstvima obrazovanja svih kantona da hitno usklade Uputstva o načinu priznavanja prava na zdravstveno osiguranje i ostvarivanje osnovne zdravstvene zaštite učenika i studenata koji nisu osigurani po drugom osnovu sa zakonom o zdravstvenom osiguranju Federacije BiH.

### Odgovor na inicijativu:

Navedena inicijativa je upućena kantonalnim ministarstvima obrazovanja, te je u skladu sa navedenim potrebno istu uputiti resornom ministarstvu u Tuzlanskom kantonu. Međutim, s obzirom da se radi o ostvarivanju prava na zdravstveno osiguranje potrebno je da u smislu inicijative damo i svoje mišljenje, a koje se temelji na zakonskim odredbama.

Naime, članom 25. Zakona o zdravstvenom osiguranju je propisano da učenici srednjih škola i redovni studenti viših i visokih škola te fakulteta koji su državljani Federacije Bosne i Hercegovine i imaju prebivalište na teritoriji Federacije, a nisu zdravstveno osigurani kao članovi porodice osiguranika, imaju pravo na zdravstvenu zaštitu u istom obimu kao i članovi porodice osiguranika. Članovi porodice učenika i redovnih studenata iz stava 1. ovog člana (supružnik i djeca) imaju pravo na zdravstvenu zaštitu u obimu utvrđenom za članove porodice, ako im zdravstvena zaštita ne pripada po drugom osnovu. Pravo na zdravstvenu zaštitu iz st. 1. i 2. ovog člana pripada licima dok imaju svojstvo učenika, odnosno redovnog studenta.

**Članom 19. tačka 13.a Zakona** propisano je da se pod osiguranicima podrazumijevaju djeca od rođenja, kao i **djeca** za vrijeme redovnog školovanja u osnovnim i srednjim školama odnosno **studiranjem na višim i visokim školama te fakultetima**, koja su državljani Bosne i Hercegovine sa prebivalištem na teritoriji Federacije, a nisu zdravstveno osigurana kao članovi porodice osiguranika, **ali najduže do navršene 26. godine života.**

U članu 86. stav 1. tačka 8. Zakona propisano je da je **obveznik obračunavanja i uplate doprinosa za obavezno zdravstveno osiguranje** za učenika odnosno studente koji nisu osigurani po drugom osnovu u skladu sa članom 19. stav 13a. Zakona, **organ uprave kantona nadležan za obrazovanje.**

Iz navedenog proizilazi da je Zakon utvrdio pravo na zdravstveno osiguranje djece po osnovu redovnog školovanja/studiranja najduže do 26. godine života, te u tom smislu se ne mogu odredbe člana 19. i člana 25. posmatrati odvojeno.

S poštovanjem!

Dostavljeno:

- ① Naslovu
2. a/a



DIREKTOR

\_\_\_\_\_  
mr. Denis Husić, dipl. pravnik